



Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-460-5/24**

Datum: **27.09.2024. godine**

„Agencija za vodno područje rijeke Save“ Sarajevo rješavajući po zahtjevu „Adriatic Metals BH“ d.o.o. Vareš za izdavanje prethodne vodne saglasnosti u svrhu izrade projektne dokumentacije za realizaciju projekta izgradnje odlagališta flotacijske jalovine nastale u postrojenju za preradu kompleksne rude olova, cinka i barita sa sadržajem pripadajućih mineralnih komponenti, Vareš, na osnovu člana 109. stav (1) tačka 11. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi:

RJEŠENJE **o prethodnoj vodnoj saglasnosti**

1. Podnosiocu zahtjeva „Adriatic Metals BH“ d.o.o. Vareš daje se prethodna vodna saglasnost u svrhu izrade projektne dokumentacije za realizaciju projekta izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 1006, 754, 749/2, 749/1, 748/2, 747/2, 746, 750, 743 K.O. Pržići i k.č. broj: 2, 3, 58, 301, 302, 314, 313, 311, 310/2, 309/2, 308, 307, 306, 304/2, 62/2 i 62/1 K.O. Daštansko, a u postupku pribavljanja urbanističke saglasnosti i okolinske dozvole.
2. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
3. Prethodnom vodnom saglasnošću se utvrđuju uslovi za izradu projektne dokumentacije za aktivnosti iz tačke 1. dispozitiva, kako slijedi:
 - 3.1. Od strane pravne osobe ovlaštene od strane Federalnog ministarstva poljoprivrede, vodoprivrede i šumarstva FBiH, za dio snabdijevanja vodom, te odvodnje i tretmana svih otpadnih voda, izraditi projektnu dokumentaciju na nivou glavnog projekta u skladu sa posebnim propisima koji između ostalog treba sadržavati:
 - Pored geološkog, geomehaničkog, građevinskog, tehnološkog, mašinskog, elektro i ostalih dijelova koji glavni projekat treba sadržavati u skladu sa posebnim propisima, glavnim projektom treba obraditi i kompletan proračun bilansa voda (uključujući sve oborinske vode, procjedne vode, evaporaciju i dr.), količinu i sastav očekivanih procjednih voda, način ispumpavanja efluenta iz lagune, transport efluenta do postrojenja, sistem kontrole vlage u deponiji (sistem recirkulacije), način ucjevljenja Male rijeke, mjesto ispusta u otvoreni tok nizvodno od deponije i dr.
 - Projektnom dokumentacijom posebno obraditi mjesto izgradnje glavnog vodosabirnog bazena-lagune uključujući i izgradnju pratećih objekata i sadržaja.
 - Projektnom dokumentacijom posebno obraditi sistem obloge tijela deponije u cilju prikupljanja procjednih voda i njihovo kanalisanje kroz drenažnu površinu do dna doline i van kroz odvodnu cijev kroz podnožje nasipa. HDPE obloga treba biti postavljena preko vrha drenažnog sloja kako bi se spriječilo da jalovina dođe u dodir sa sistemom odvodnje.
 - Analizu i drugih mogućih uticaja na prostor na kome će se vršiti odlaganje i objekata koji će biti u sklopu te aktivnosti izgrađeni, a u funkciji su eliminiranja negativnih uticaja na površinske i podzemne vode.
 - 3.2. Nakon izrade projektne dokumentacije potrebno je izvršiti njenu reviziju u skladu sa posebnim propisima.
 - 3.3. Zabranjeno je ispuštanje neprečišćenih otpadnih voda i procjednih voda iz odlagališta flotacijske jalovine u okoliš bez prethodnog prečišćavanja.
 - 3.4. Tijelo odlagališta flotacijske jalovine (podloga i bočne strane) mora biti potpuno vodonepropusno.

- 3.5. Tijelo odlagališta flotacijske jalovine treba imati sistem drenaže i sakupljanja procjedne vode u lagunu koja će se ispumpavati i efluent vraćati natrag u pogon za preradu rude ili se koristiti za suzbijanje prašine i kontrolu vlage u jalovini, tj. djelimični povrat efluenta na odlagalište.
- 3.6. Ovisno o konfiguraciji terena i konačnog projektnog rješenja odlagališta flotacijske jalovine potrebno je predvidjeti izgradnju drenažnog sistema za prikupljanje oborinskih voda oko odlagališta, sa taložnikom za krute tvari i oknom za uzimanje uzoraka, a sve sa ciljem sprječavanja doticanja vanjskih voda.
- 3.7. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima općine Vareš.
- 3.8. Da se u okviru projektnog rješenja primjene tehničko-tehnoološke mjere koje će spriječiti kontaminaciju voda, tla i zraka, tj. da se projektovani radovi i aktivnosti na izgradnji odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 1006, 754, 749/2, 749/1, 748/2, 747/2, 746, 750, 743 K.O. Pržići i k.č. broj: 2, 3, 58, 301, 302, 314, 313, 311, 310/2, 309/2, 308, 307, 306, 304/2, 62/2 i 62/1 K.O. Daštansko usklade sa principima, propisima i standardima EU, te sa propisima i zakonima BiH tj. Federacije BiH prema principima savremene multibarijerske zaštite.
- 3.9. Projektnom dokumentacijom jasno definisati položaj objekta u odnosu na obližnje vodotoke, te sagledati sve moguće neželjene uticaje, kako na planirani objekat tako i planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za otklanjanje odnosno sprječavanje tih uticaja.
- 3.10. Projektnom dokumentacijom definisati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.
- 3.11. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko - ekonomskih zahtjeva.
- 3.12. Investiciono-tehnička dokumentacija za pribavljanje vodne saglasnosti mora biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti, te uslovima iz okolinske dozvole.
- 3.13. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koje se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
4. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za izgradnju lokalne/pristupne saobraćajnice i eventualno drugih aktivnosti koje se planiraju izvoditi na predmetnom lokalitetu, a koje su navedene u članu 17. stav (2) Pravilnika o sadržaju, obliku, uvjetima načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20 i 63/22), a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona.
5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prethodne vodne saglasnosti dužan je, da ovoj Agenciji podnese zahtjev za izdavanje Rješenja o vodnoj saglasnosti na projektnu dokumentaciju za izgradnju odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 1006, 754, 749/2, 749/1, 748/2, 747/2, 746, 750, 743 K.O. Pržići i k.č. broj: 2, 3, 58, 301, 302, 314, 313, 311, 310/2, 309/2, 308, 307, 306, 304/2, 62/2 i 62/1 K.O. Daštansko, a u skladu sa važećom regulativom FBiH.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se prilaže:
- Revidovana Investiciono tehnička dokumentacija za izgradnju odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 1006, 754, 749/2, 749/1, 748/2, 747/2, 746, 750, 743 K.O. Pržići i k.č. broj: 2, 3, 58, 301, 302, 314, 313, 311, 310/2, 309/2, 308, 307, 306, 304/2, 62/2, 62/1 K.O. Daštansko urađena u skladu sa uslovima iz ovog Rješenja,
 - Rješenje o urbanističkoj saglasnosti za izgradnju odlagališta flotacijske jalovine iz postrojenja za preradu rude Vareš, na predmetnom lokalitetu.
 - Okolinsku dozvolu izdatu od strane nadležnog organa,
 - Dokaz o uplati administrativne takse u iznosu od 60,00 KM, a prije izdavanja odobrenja za građenje.

7. Ova prethodna vodna saglasnost prestaje važiti nakon isteka roka od tri godine od dana njene pravosnažnosti ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u zakonom propisanim slučajevima.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

„Adriatic Metals BH“ d.o.o. Vareš dana 04.09.2024. godine podnio je ovoj Agenciji zahtjev za izdavanje prethodne vodne saglasnosti u svrhu izrade projektne dokumentacije za realizaciju projekta izgradnje odlagališta flotacijske jalovine iz postrojenja za preradu rude Vareš, na lokalitetu označenom kao k.č. broj: 1006, 754, 749/2, 749/1, 748/2, 747/2, 746, 750, 743 K.O. Pržići i k.č. broj: 2, 3, 58, 301, 302, 314, 313, 311, 310/2, 309/2, 308, 307, 306, 304/2, 62/2, 62/1 K.O. Daštansko, a u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana slijedeća dokumentacija:

A. Opšta dokumentacija:

- Rješenje o izmjenama podataka, broj: 043-0-Reg-24-000483 od 10.05.2024. godine izdato od strane Općinskog suda u Zenici – ovjerena kopija,
- Uvjerenje o registraciji poreznog obveznika od 25.04.2023. godine izdato od strane Kantonalnog poreznog ureda u Zenici - ovjerena kopija,
- Kopija katastarskog plana, Ur. broj: 02-03-26-1458/2024-2 od 12.08.2024. godine izdata od strane Službe za prostorno uređenje općine Vareš - ovjerena kopija,
- Kopija katastarskog plana, Ur. broj: 02-03-26-1458/2024-1 od 12.08.2024. godine izdata od strane Službe za prostorno uređenje općine Vareš - ovjerena kopija,
- Kopija katastarskog plana, Ur. broj: 02-03-26-1601/2024-3 od 28.08.2024. godine izdata od strane Službe za prostorno uređenje općine Vareš - ovjerena kopija,
- Kopija katastarskog plana, Ur. broj: 02-03-26-1601/2024-4 od 28.08.2024. godine izdata od strane Službe za prostorno uređenje općine Vareš - ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-017 073 Zemljišnoknjižni uložak broj 337 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 590 Zemljišnoknjižni uložak broj 394 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 593 Zemljišnoknjižni uložak broj 183 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 594 Zemljišnoknjižni uložak broj 4 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 591 Zemljišnoknjižni uložak broj 399 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 592 Zemljišnoknjižni uložak broj 163 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 588 Zemljišnoknjižni uložak broj 327 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Daštansko, broj: 041-0-NAR-24-015 589 Zemljišnoknjižni uložak broj 184 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Pržići, broj: 041-0-NAR-24-017 076 Zemljišnoknjižni uložak broj 557 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Pržići, broj: 041-0-NAR-24-017 075 Zemljišnoknjižni uložak broj 109 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Pržići, broj: 041-0-NAR-24-017 074 Zemljišnoknjižni uložak broj 283 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina: Pržići, broj: 041-0-NAR-24-015 790 Zemljišnoknjižni uložak broj 599 izdat od strane Općinskog suda u Visokom – ovjerena kopija,

- Zemljišnoknjižni izvadak Katastarska općina:Pržići, broj:041-0-NAR-24-015 789 Zemljišnoknjižni uložak broj 600 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina:Pržići, broj:041-0-NAR-24-015 786 Zemljišnoknjižni uložak broj 598 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina:Pržići, broj:041-0-NAR-24-015 787 Zemljišnoknjižni uložak broj 391 izdat od strane Općinskog suda u Visokom – ovjerena kopija,
- Zemljišnoknjižni izvadak Katastarska općina:Pržići, broj:041-0-NAR-24-015 792 Zemljišnoknjižni uložak broj 596 izdat od strane Općinskog suda u Visokom – ovjerena kopija,
- Uvjerjenje, broj:02/3-2058/24 od 25.09.2024. godine izdato od strane Službe za prostorno uređenje općine Vareš – kopija,
- Izvod iz prostornog plana općine Vareš (2018-2038) izdat od strane Službe za prostorno uređenje općine Vareš – kopija,
- Dokaz o uplati administrativne takse na zahtjev

B. Tehnička dokumentacija:

- Studija uz zahtjev za izdavanje prethodne vodne saglasnosti urađena od strane „Zagrebinspekt“ d.o.o. Mostar, broj: 01-15-146-VIII/24, kolovoz 2024. godine

Zahtjev je u skladu sa odredbama člana 124. stav (1) Zakona o vodama i člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 09.09.2024. godine na oglasnoj ploči Agencije i 07./08.09.2024. godine u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa. Na osnovu uvida u dostavljenu dokumentaciju utvrđeno je sljedeće:

- Površinski kop Veovača II je bio aktivan do 1992. godine kada je obustavljena proizvodnja i nastala devastacija zbog ratnih dejstava. Na ovom prostoru se ukazala potreba za izgradnjom privremenog odlagališta flotacijske jalovine, odnosno rude iz rudnika jame „Rupice“ nakon što bude obrađena na postrojenju za preradu u Tisovcima. Odlaganje se smatra privremenim do trenutka kada se Investitor odluči za ponovni početak eksploatacije.
- Faza I flotacijskog jalovišta je projektirana sa kapacitetom od 745.000,00 m³ te zauzima tlocrtnu površinu od 57.774,4 m². Odlagalište je projektirano na 3 etaže iznad etaže brane. Visina etaže je 10 m, a nagib kosine je do 1:2.5. Širina etažne ravni brane je 10 m, a svake sljedeće etaže 5 m.
- Odlagalište koje će se formirati nastavljanjem faze II na fazu I i za koje je izrađeno preliminarno tehničko rješenje (faza I + faza II) zauzima tlocrtnu površinu cca 114.304,0 m² te ima kapacitet 1.873.363,09 m³. Razvoj odlagališta će se vršiti na 7 etaža, visine 10 m i nagiba kosine 1:2.5. Širina etažne ravni je 10 m na brani, a 5 m na svakoj sljedećoj etaži.
- Kako bi se spriječilo procjeđivanje podzemne vode prema temeljnom tlu i podzemnoj vodi, predviđena je ugradnja glinenog sloja debljine 20,0 cm na prethodno ugrađen sloj tampona debljine 20,0 cm. Preko sloja gline predviđena je ugradnja HDPE folije 2,0 mm, odnosno geomembrane ispod cijele površine odlagališta. Preko HDPE folije će se ugraditi geotekstil minimalne gustoće 200 g/m² kao zaštita od mehaničkog oštećenja vodonepropusne folije. Iznad geotekstila će se na horizontalnim plohama deponije na kojima će raditi mašine ugraditi sloj tampona debljine 20,0 cm.
- Sa hidrološkog stajališta, na predmetnom odlagalištu imamo pojavu sljedećih vrsta voda: površinski vodotok Mala Rijeka, beskontaktna vode (vode sa okolnih površina oko odlagališta), kontaktne (procjedne) vode odlagališta.
- Zacijevljenje (propust) Male rijeke će se izvršiti cijelom dužinom vodotoka koji prolazi ispod samog odlagališta, te nizvodno od odlagališta i lagune.
- Predviđeno je da se oko deponije izgrade obodni kanali koji bi prikupljali površinsko oticanje sa pripadajućih slivnih površina i sprečavali prodor te površinske vode na tijelo deponije. Predviđena su dva kanala lijevi i desni obodni kanal koji se ispod brane ulijevaju u revizijsko okno, a iz njega cjevovodom ispuštaju u Malu rijeku koja je na tom mjestu zacijevljena.
- Sva površinska i procjedna voda sa odlagališta bit će zahvaćena drenažom i preusmjerena u lagunu u podnožju nasipa odlagališta. Kontaktna voda, nakon što dospije u lagunu, povremeno će se pumpati u postrojenje za preradu rude na Tisovcima i ispuštati u spremnik procesne vode zajedno sa svježom vodom za dopunu. Plutajući prekidači koji kontroliraju istjecanje održavaće minimalnu razinu vode od 0,5 m u laguni sve vrijeme.
- Laguna za procjedne vode će se izgraditi u prirodnoj dolini ispod brane odlagališta. Ista će biti obložena sa HDPE folijom 2,0 mm i biti će opremljena crpnim sistemom koji će cjevovodom vraćati sakupljenu vodu u postrojenje za preradu rude. Pumpe će raditi 24 sata.

- S obzirom na vrstu materijala koji se odlaže na predmetnom postrojenju, a radi se o flotacijskoj jalovini koja izlazi iz postrojenja za preradu rude na Tisovcima, procjedne vode s odlagališta mogu sadržavati ostatke metala sadržanih u jalovini. Koncept prikupljanja procjednih voda sa odlagališta pokazuje da se ove vode neće ispuštati nego će se sve odvoditi u lagunu procjednih voda, odakle će se kontinuirano crpnim sistemom i cjevovodom odvoditi do postrojenja za preradu na Tisovcima. Odlagalište će raditi kao objekt sa nultim ispuštajem otpadnih voda i samim time nije potreban uređaj za pročišćavanje otpadnih voda.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu utvrđenog stanja i provedenog postupka doneseno je rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 3. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Na osnovu utvrđenog činjeničnog stanja konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, ne izda tražena prethodna vodna saglasnost, pa je shodno odredbama Zakona o vodama i provedbenim propisima donešeno rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-460-4/24 od 23.09.2024. godine.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr sci. Selma Merdan, dipl.inž.geol.

Po ovlaštenju
Rukovodilac Sektora za izdavanje
vodnih akata

Nihad Rezo, dipl.inž.građ.

Dostaviti:

- Adriatic Metals BH d.o.o., Tisovci bb, 71330 Vareš,
- ⊙ AVP-ISV -Vodna knjiga,
- Sektor 40, arhiva,
- Oglasna ploča-AVP Sava